

ديوان

قول يا قلم

للشاعر/ ياسر عبد الحميد



حقوق الطبع والنشر محفوظة
لدار الأديب للطبع والنشر والتوزيع

اسم الدار	دار الأديب للطبع والنشر والتوزيع
اسم الديوان	قول يا قلم .. (طبعة ثانية)
اسم الشاعر	ياسر عبد الحميد
رقم الإيداع	(٢٠١٨ / ١١٢٨١) بدار الكتب المصرية
الإخراج الفني	دار الأديب للطبع والنشر والتوزيع
الغلاف	من تصميمات الدار

Facebook: Dar.Aladeb

Email : daraladeeb@Gmail.com

Tel: 002- 01014449164

الإهداء..

الى كل محبي شعر العامية المصرية

أهدي لكم ديواني

(قول يا قلم)

ياسر عبد الحميد



وعد مني..!!

وعد مني ودين عليا

حانسي ايام الاسية

وانسي طيبتني وكل وجعي

وافتكر حقي اللي ليا

وعد مني ومش ح اخاف

لا.. اكسر الاحزان واعيش

كل واحد مني شاف

قلب ابيض ما يساويش

حابتدي اعيش الحكاياه

وانسي اني اتظلمت





وارمي ورا ضهري اللي باعني

ومن حنان حضنه اتحرمت

حابتي بعامل تعامل

كل اسي،،، بقسوته

واللي باعني ف يوم حابيعه

مش لازمني، دنيته

وعد مني ...!!





حنين...!!

استكثرتوا عليا الوحده

استكثرتوا عليا حنيني

اصل الوحده مقسومه ليا

تفاصيل مكتوبه علي جيبني

ومهما حاولتوا مش ح افارقها

انا منها و هيه مصاحباني

دايما تحكي معايا اشجانها

وتفكرني بكل احزاني

بتفكرني كمان بالماضي

باللي ظالمني وشايفه اصادي



واللي جرحني و معاه مش فارقه

لما تعاتبه يقول لك عادي

واسال نفسي ساعات وتقوللي

اشتري نفسك ح تعيش راضي

اتعودت عليكي يا وحده

دايما صادق معايا ف مشاعرك

يا مرايتي ف ايامي الصعبه

ولما بتوه تاخذيني ف حضنك .. !!!





مشاعر عود...!!

مشاعر عود بتتمني .. نغم اوتار يمس القلب

ولحن جميل يبتغني عن العشاق تقولها بحب

تدق الريشة اوتارها بيعشقها قلوب بتحب

يا ليل ليلك مسهرنا يا عود نغمك محيرنا

ما بين نهاوند وسيكا وصبا نغماته تسحرنا

نغم موزون على الدوكا كلام يتغنا ياسرنا

سلام العود و ألحانه اللي تفكرنا بزمان غيرنا





اتعلم..!!

اتعلم تبقي شبههم..

وتسقيهم من نفس الكاس

اتعلم واشرب منهم

طبعهم المعدوم احساس

لو ما اتعلمتش راح تندم

لملم حزنك جاوز تفهم

انك في الاصل واحد م الناس

اتعلم...!!

اتعلم تجرح فيهم

زي ما هما بيجرحوا فيك



اشتري نفسك واطويهم

من صفحة حزن .. طويلة في ماضيك

ياما كان نفسك ترضيهم

لكن كانوا يلعبوا بك

اتعلم ...!!

اتعلم .. انك تحلم

وتحقق .. احلامك .. مره

اتعلم تنسي الماضي

وانسي معاه ايامه المره

حاول مره تحقق ذاتك

اعشق نفسك عيش لحياتك



ايه نابع من كتر.. سكاتك

غير المك م العيشة المره

اتعلم !!..

اتعلم تبقي شبهم

وتسقيهم من نفس الكاس

اتعلم واشرب منهم

طبعهم المعدوم احساس

لو ما اتعلمتش راح تندم

لملم حزنك جايز تفهم

انك في الاصل.. واحد.. م الناس

اتعلم !!..





اتعلم تجرح فيهم

زي ما هما بيجرحوا فيك

اشتري نفسك واطويهم

من صفحة حزن .. طويلة في ماضيك

ياما كان نفسك ترضيهم

لكن كانوا بيلعبو بيك

اتعلم ..!!

اتعلم .. انك تحلم

وتحقق احلامك مره

اتعلم تنسي الماضي

وانسي معاه .. ايامه .. المره





حاول مرة .. تحقق ذاتك

اعشق نفسك .. عيش لحياتك

ايه نابع من كتر سكاتك

غير المك م العيشه المره

اتعلم !!..



ما تتعشمش ..!!

ما تتعشمش ..

انك ح تاخذ غير .. اللي قدرك حدده

ما تتعشمش

قبلك كثير تاهوا .. وكانوا .. بيعندوا

ياما ناس كثير .. زيك كدا

عاشت بتحلم .. بالغنا

واما اغتنت فجاة افترت

بعدت كثير عن ربنا

وناس بتضرب ع الكفوف

عاشت حياة .. مليانة .. خوف



صبرت كثير .. حلمت كثير

اخرتها لعنت في الظروف

في ناس كمان اتألمت

احلامها ضاعت وانتهت

واتغربت واتبهدلت

وف دنيا قاسيه اتعلمت

ماهي .. دنيا ماشيه .. لوحدها

فيها كل حاجة .. في وقتها

حتلاقي ناس .. بتحبها

والتانيه .. زهقت .. منها

قبلك كثير .. كانوا .. كدا



حلموا .. بحياة .. متبغده

لكن النصيب واللي اتكتب

خلي حياتهم غير كدا

ما تتعشمش..

انك ح تاخد .. غير اللي .. قدرك حدده

ما تتعشمش..

قبلك كتير تاهوا ،، و كانوا ،، بيعندوا

ما تتعشمش ..





قلوب بيضه ..!!

قابلت قلوب كثير بتحب

وعايشه ف الحياه راضيه

وقلوب ماليها كره وكذب

ومهما اديت ما فيش فايده

سالت حكيم .. ف.. معناها

وليه الوانهم اختلفت

قال الابيض بيقرأهم

ومن جواه.. بيتشتت

برغم،، انه حفظ،، كل الحروف بافعالها

ما اخدش،، منها،، غير اولها واخرها



وشاف معناها وضوح الشمس

ما فيش غيره .. بفهمها

الف.. مالوف.. و متكتف

وهه بالضمه تتكتف

ومعناهم .. ف كلمه اه

ومهما حاولت تنساهم .. ما تقدرش

عشان الدنيا .. فاكراهم

ورسمتها علي جبينك

قدر مكتوب بيتجسد اصادعينك

تعيش عمرك ملازمينك

وااااه .. بيها بتتكتف



اسمعها منى ..!!

صاحبى ... اسمع منى قوولى

واسمع كلامى ... من سكات

فى قبلك .. ياما كثير قالولى

فيه ناس كثير .. ضميرهم مات

اللى شافك ... عكس صور..

كنت شايف .. فيها نفسك

واللى فايتك .. من زمان

دلوقت جاى .. ياخذ بحسك

تبتدى .. تحكى اللى كان..

أول ما سابك .. جاب فى سيرتك



واللى بيقولك .. يا غالى...

وعاش معاك ... أجمل ليالى

لو قصدته .. يوم فى حاجة.

على طول يقول .. سيبنى فى حالى

واللى ياما .. و اللى ياما...

كان يقابلك بابتسامة

لو فتحت كتاب ضميرة...

تقول على .. الدنيا السلامة

هية توهة .. ولا دنيا...

ليه الضمير .. بيموت فى ثانية

وانت جواك .. حاجة تانية...



والوفا ... مكتوب عليك

لسة ما خلصش الكلام...

دى الحياة ... فيها و فيها

مش هاتقدر تمشى خطوة...

الا لو عشت فى ماضيها

لما صاحبك .. يوم يخون...

و انت طول عمرك .. تصون

يبقا كل شىء .. يهون...

لو زمانك .. كان ناسيك





ناس و ناس ..!!

في ناس عجيبة .. ومش غريبة

انك تقابل طبعها

فيها اللي عايشين ف الزمان دا

محنه .. مكسور .. ضهرها

وفيها ناس .. ما بقيتش ناس

مش لاقية .. حد .. يلماها

واهي ناس .. وناس .. وناس

ياما ح تقابل في ناس

ناس مجبوره وناس مكسوره

ناس تجرحها تبات مقهوره

ناس مبهوره بكل ما ليها

ناس بتغير اصل الصوره



ناس عليت ع الدنيا وعدت
ماشية ،، بتفتري ولا يوم هدت
و تفكرهم كانوا ايه
بيقولوا انسي دا كان ف الماصي
ناس تقابلهم من ملامح
تعرف ان في حد جارحهم
لو جربت ف يوم تسالهم
دايما يضحكوا و يقولوا عادي
واهي .. ناس .. وناس وناس
ياما ح تقابل.. في ناس





مشاعر..!!

زلزال مشاعر .. هزني

من جوا.. نفسي.. وقال لي.. فوق

كان كل شئ بيهمني

والناس ما بينها كثير فروق

مين بعد امي يضمني

يمسك بايدي في غربتي

يخرج معايا من دنيا عتمه

ويشاور لي علي الشروق

واحيانا..

ما بين قلبي ،، وبين ،، عقلي بلاقي

دايما في تضاد..



وصراع مرير.. من جوا.. نفسي

مغلوب عليه طبع العناد

اوقات كتيير بفكر في البعاد

لكن قلبي دايم يحن لدنيتي

يقابلني عقلي و يشئت خطوتي

ساعتها،، تغلب دموعي ضحكتي

لما يقابلني طبع البشر

وبلاقي فيهم اشباه خلائق بقلوب حجر

وببوح لنفسي بالسؤال

هو النصيب اللي جمعنا

ولا البعاد اصبح قدر

مجرد كلمات ..!!

يا حزنى ليه .. دائما معايا

زى ضلى .. فى شمس حر

أهرب ... و أروح منك لفين

وانت منك ... مافيش مفر

قوللى يا حزنى ..؟؟؟

منين أجيب مركب لبحرك

وأعدى بيه .. لبر الأمان

خلتنى شبهك .. حتى فى ملامحك

واهاتى .. بتسمعها الحيطان

الصبر جانبك ... ضاع بلاش



والقرب منك ... ما انتهاش

طول عمرى .. بمسح دمع عینی

وانت ملازمنى .. زی روحی

سألونی ایه ... بینہ و بینی

ردیت و قولت ... بواب جروحي





خواطر باكيه..!!

كلمة .. ليكوا .. يا اللي بعتم

خطوها ... حلقة فى ودانكم

أنا بايع زى ما بعتم

مش هاكلم حد منكم

وبصراحه...

انتوا مالكوش ف السماحه

ما فيهاش كلام..

والغلط راكب دماغكم

والأدب ... ناقصه علام

زى الدواب .. فى وسط سوق



سارحة وماشية لوحدها .. من غير لجام

ولا حد منكم .. عاوز يفوق

أصل الكلام .. محتاج لزوق

والمعاملة .. مش مجاملة

وناس كتيره .. بتتقهر

على وقت فات من عمرها

ماشافتش .. حد .. بجد .. يسأل عنها

من وقتها .. و هية قاعدة لوحدها

وكان نفسها .. تتمنى حد يحسها

مالاقيتش .. واحد منكم يفتكر

أصل الحكاية كلها .. على بعضها



سلف ... و دين .. ونقول لمين ...؟؟؟

مين فينا يقدر يمسخ .. دموع المجروحين

أخرتها ايه ... أخرتها باينة

أى واحد فينا بيوفت الحياة..

بتودعوه .. و تجروا فى ثانية

ويشوف حياته الثانية ... بطولها و عرضها

ويقابل .. اللى فاتوها قبله .. على أرضها

من غير نفاق .. ولا رياء .. ماهى هية دنيا فانيا

و أصلها .. كلها على بعضها

طولها زى عرضها..!!



حتعیش لمین..؟؟

حتعیش لمین و ازای تعیش مکسور حزین

وازای بتضغط ع الالم من غیر ما تصرخ
بالانین..

وازای بتتحمل ساعاتک وبتفتکر وجع السنین

حتعیش لمین..؟؟

ازای بتضحک و انت شارد جوا نفسک

ازای بتحلم، و انت تایه،، مش لاقی نفسک

ازای تبات و دموع عنیک مخنوقه فیک
ومین یحسک..؟؟



حتعيش لمين..؟؟
نفسك في ايه نفسك تحب

نفسك تقابل قلب صادق مالهوش طريق لاي
كذب

نفسك تعيش ف الصدق مرة نفسك تلاقي
الحب مرة

نفسك تعيش كل المشاعر نفسك تقول انا
ليا قلب

حتعيش لمين..؟؟

لملم في نفسك يلا فوق السنين
عماله تجري..

اخذت منها الحظ شوق ودموع عنيك
دايما بتجري..



اللي فاتك فات و عدا واللي ليك شوفته بعنيك

و اللي حرمك في الزمان ده عمره ف يوم
ما حس بيك...

بلاش تعيش في وحدتك ف ايدك تغير دنيتك

و لو فضلت ف غربتك لازم تجيب اللوم
عليك...





اختيار..!!

ما بين لحظه ، ، و بين التانيه

اطفال ، ، بنيجي ، ، للحياه

صفحة ، ، بيضة ، ، مافيهاش رتوش

او ، ، اي ، ، اااه...!!

نصبح ، ، اطفال بتلعب

مبهورة ، ، بالحياه

و نشوف الدنيا اجمل

من واقع ، ، غاب علينا

نتمني ، ، بكره ، ، افضل

م الي ، ، شيفاه ، ، عينا



ونقول ، ، مسيرنا ، ، نكبر

ونغير ، ، في الكلام ، ، ده..

ونسابق ، ، في السنين

وتزيد ، ، فينا ، ، المعانده

الناس ، ، الطيبين

يقولولنا ، ، واحده ، ، واحده

بتدور ، ، بينا ، ، السنين

تلاقينا ، ، فجأة ، ، نكبر

نتفاجئ ، ، بالاهات

نفكر ، ، القلب ، ، الاخضر

ونخبط ، ، في الخطاوي



وتعلمنا ،، السنين

تقابلنا ،، كثير ،، حكاوى

فجأه،، ياخذنا ،، الحنين

ونقول ،، يا ريتنا ،، نرجع

من ثاني ،، صغيرين





ما يستاهلوش..!!

مالكش مكان ،، في وسطهم

تعيش عمرك ،، و ترضيهم

تشوف الضحكه ،، ف عنهم

وتتبسم ،، ما يهتموش

ما يستاهلوش ..

وتتقابل ،، بتجريحهم

وبوشوش ،، عكس ،، ملامحهم

ولو في شيء ،، بيفرحهم

تسالهم ،، ما بيردوش

ما يستاهلوش..



كان الوقت ،،، في زمانهم

صبح ليهم

ما بين الناس

يقولوا كلام ..

وبحر نفاق ،،، مغطيهم

وشوش ،،، لابسين عليها وشوش

ولو قدروا ،،، يحاسبوا الناس

بافعالهم ،،، يحاسبوهم

لكن هما ،،، ما يتحاسبوش

ما يستاهلوش ..

وفي الاخر ،،، تتوه ،،، بينهم



و تزعل ليه ،، في تغييرهم

مدام ،، مكتوب،، علي مصيرهم

يكونوا ناس ،،، ما بيحسوش

صدقني ،، ما يستاهلوش

ما يستاهلوش..

مالكش مكان ،، في وسطهم

تعيش عمرك ،، و ترضيهم

تشوف الضحكه ،، ف عنهم

وتتبسم ،، ما يهتموش

ما يستاهلوش ..

وتتقابل ،، بتجريحهم



وبوشوش،، عكس،، ملامحهم

ولو في شيء،، بيفرحهم

تسالهم،، ما بيردوش

ما يستاهلوش..

كان الوقت،، في زمانهم

صبح ليهم

ما بين الناس

يقولوا كلام

وبحر نفاق،، مغطيهم

وشوش،، لابسين عليها وشوش

ولو قدروا،، يحاسبوا الناس



بافعالهم ،،، يحاسبوهم

لكن هما ،،، ما يتحاسبوش

ما يستاهلوش..

وفي الاخر ،،، تتوه،، بينهم

وتزعل ليه ،،، في تغييرهم

مدام ،،، مكتوب،، علي مصيرهم

يكونوا ناس ،،، ما بيحسوش

صدقني ،،، ما يستاهلوش





ذنبك ايه.. يا قدس..؟!!

ذنبك انك .. مدينه حره

عروسة خانها .. الاحتلال

ذنبك انك .. فضلتني صابره

ورافعه رايه .. النضال

ذنبك انك .. اولي قبله

وأطفالك .. صبحم رجال

دافعوا عنك .. بالحجاره

عملوا ساتر .. م الجبال

ذنبك انك .. مثل يوسف

في الجمال .. مالوش مثال



و اللي خاتك .. كانوا .. اخوه

في الصور .. أشباه رجال

أشلاء جثث .. ماليا المدينه

امهات .. بعيون .. حزينه

يا قدس حيي .. علي النضال

و الأسر ما بيرحمش ضعف

مملوء .. بأبطال الرجال

والعرب .. ف كراسي .. قاعده

يسألوا .. نفس السؤال

هية قدس .. عروبه .. واحده

ولا قدس ... الاحتلال

اسمع يا.. طيب..!!

الناس بتحكم عليك

مالهاش ،، غير الظاهر

أقرب ما ليك ،، بببيعوك

و يجيبوا ،، م الآخر

مظلوم

و الكل ،، ببيجى عليك

مجروح

ولا ،، حد حاسس بيك

ندمان ،، فى زمن ،، بيلعب بيك

و يقوللك ،، أتاخر



أسمع ، ، يا ، ، طيب
مهما حترضى الناس

عمر الناس ، ، ما تصفالك

أصلك ، ، ما بين الناس

مالكش مكان ، ، و ده ، ، حالك

عملت الخير

وأتردك ، ، بالشر

راعت ضميرك

وشربت ، ، كاسك ، ، مر

شيلت نفسك ، ، حمول

لما ، ، دراعك كل.. !

أقفل عليك ، ، بابك



وأرضى ،، بنصيبك!!!

وأنسى ،، كلام الناس

دا ،، عمر الناس ،، ما ح تسيبك!!

خواطر ،، باكيه...!!



حيره..!!

ما بين ادم، و بين حوا،، في كل مكان
حقيقه اكيد،، مخفيه،، داخل،، انسان
واشكال البشر فيهم،، بتتجمل،، كما الالوان
ساعات الطيبه تتغلب،، و بتخرج،، اجمل ما
في الانسان..
مشاعر صافيه،، و معناها،، بيتنغم،، كما
الالوان..
و قلب يدق،، بتهيده،، و نرجع بالحنين،،
لزمان
بتذكر،، كلام طيب،، مالوش،، دلوقت
بيننا،، مكان..



و نروي حكاياه،، تفاصيلها،، بقت ماضي
كانه،، ما كان ..

و نضرب فوق،، كفوفا،، و نتندم
ع اللي،، كان ياما كان ..

بنتمني نعود للاصل،، كما،، ادم،، اللي
كان،، انسان ..





مشوار حیاتنا..!!

مشوار حیاتنا، ف کلمتین

دایما نفکرهم لبعض

ہیہ الظروف،، ولا السنین

اللی،، اخدت،، منا، وعد

اما السنین،، صغرتنا و کبرتنا

مشینا فیہا،، بقلبنا

لکن فی لحظہ،،، فوقتنا

عن ناس کثیر،، بنحبہا، و تحبنا

عاندت معانا، و فرقنا

اما الظروف،،، یوم بعد،، یوم اتغیرت



صعبان عليها، نكون في حالنا

من حال،، لحال،، اتبدلت

و قلوب ،، كثير،، اتحملت

لما البعاد اصبح، مصيرنا

مين ح يقدر،، يعتب عليكي

مكتفانا، بقلب،، فيكي

انتي دنيا،، مخلوقه،، لينا

ولا،، دنيا ،، لحد،، غيرنا





عشمت نفسك..!!

عشمت نفسك بالتمني

ونسيت المقدر

وظلمت نفسك بين قلوب

ونفوس ،، ما تتغير

نفسك تحقق ايه

وانت الوجع صايبك

بتعيدوا ثاني ليه

وتترجي ف حبايبك

بختك خلاص شوفته

والدنيا عادت فيك



عاوز تعيش في الوهم

خلي الوفا ، ، مكفيك

خواطر باكيه...!!





سالت عراف ..!!

سالت عراف،، ليه في الحكم،، و ف الامثال
بيجود..

ايه رأيك،، في طبع البشر،، قال ابعده
لا تتعود..

عيش ف الحياه راضي،، امشي فطريقك
كمل و ما تكلش..

وابدر،، بذور الخير في الارض،، و ارويها
باديك،، و ما تملش..

كل الجراح جواك،، بالصبر تطرح ورد

خطاويك عيدان خضره،، و مسيرها يوم تشتد

والشمس مهما تغيب،، يفضل شروقها نصيب





واللي لقاله حبيب،، طبطب عليه،، باليد

ما تقولش ليه،، حظي ما بين الناس
بيخيب..

قبلك قالوها كتير،، ما بين شرير،، وبين
طيب..

اصبر علي قسمتك،،، وارضي بالمكتوب
و مهما ح ترضي الناس،،، حتيجي عليك
وحتعيب ..





اضحك ..؟!

ها.. ها.. ها...!!

اضحك وعلي فضحتك

ما تباتش يوم ،، مكبوت

قبلك كثير،، عدوا الالم

باهات،، و مالهاش،، صوت

اضحك،، علي اللي يخون

فعيشك،، او في،، ملحك

وبرغم دا،، عامل ،، حبيبك





وف شدتك،، رد فعله،، غير ملامحك

ما تقولش ليه،، ما هو ده،، نصيبك

اضحك،، علي العشره،، اللي هانت
من زمان ..

وتاهت،، ف وسط،، زحمه

اضحك علي النفس،، اللي خانت

من غير،، ضمير،، او حتي،، رحمه

اضحك،، علي الصاحب،، اللي،، باعك

وما همهوش،، كلمه ف،، وداعك

اضحك،، علي،، كل اللي،، سابك

وما كملوش،، قصه،، خداعك



اضحك،، وعلي،، ف ضحكك

ما تباتش،، يوم،، مكبوت

قبلك كثير،، عدوا الالم

باهات،،، و مالهاش،، صوت

اضحك ها... ها... ها !!!





سالت جدي..!!

سالت ،، جدي ،، زمان

وانا قلبي ،، ماليه ،، الخوف

قول ،، يعني ايه ،، انسان

قال ،، استني ،، دا ،، بكره ،، تشوف

هو ،، عباره ،، عن احلام

مع الايام ،، بتتحقق

وساعات ،، يسيب ،، روحه لاوهام

في وسط الموج ،، اوام ،، يغرق

هو ،، عباره ،، عن تفاصيل ،، باحساسه

بيحكي عليها ،، ما بين ،، ناسه..





وجايز ،، منها يتالم

تفوت اوقات و يتعلم

في ،، دنيا ،، كبيره ،، وناسه

ويقضي ،، حياته ،، بين كلمتين

وحروفهم ،، تلاته ،، وبس

الاولي (فرح) ،، والتانيه (حزن)

مالها ،، الياس .. !!

لكن منهم ،، بيتعلم ،، وبيفهم

معاني ،، الدرس .. !

لاقيتني ،، بقول له .. !!



طب ، ، احكي لي ، ، عن ، ، الدنيا

كلامك ، ، والا ، ، حاجه ثانيه

ضحك ، ، قال لي ، ، طب ، ، استني

حايي جي ، ، اليوم ، ، و تتمني ، ، تكون نفسك

وبين ، ، الناس ، ، تلاقي ، ، نفسك

واحلامك ، ، هتغير ، ، مع الاوقات

وهتعا فر ، ، مع الدنيا ، ، ساعات
وساعات..

وقلبك ، ، يتفتح ، ، للحب

وهتقابل ، ، شريك عمرك

وجايز ، ، تتجرح ، ، في القلب

وتندم ، ، ع اللي ، ، ضاع منك



ولما ، ، تفوق ، ، من ، ، التوهه
وتحسب ، ، في اللي ، ، فاتوها
في لحظه ، ، صدق ، ، مع نفسك
ما بين نفسك ، ، ساعتها ، ، حتلاقي نفسك ..





مع خالص تحياتي..!!

تحياتي،، لدنيا كبيرة،، قابلتني بوشوش
اشكال..

تحياتي،، لكل ظروف،، ورتتي،، مين
الاندال..

تحياتي،، وبقولها بجد،، ومش طالب
كلام،، او رد..

تحية كبيرة،، جمعتي،، بناس فيها
ما تعرف،، حد..

مع خالص،، تحياتي

ح اكون وحدي،، و مش ندمان
علي اهاتي..

ح اسيب المسرح،، و اداري،، بين
الكواليس..



و اتفرج،، علي مشاهد،، لبهلوانات
وفن رخيص..

ماليش انا دور،، في روايتهم
ولو مشهد،، حاكون صامت

لا انا بجمال،، ولا اتجمال،، مع
مشاعر خلاص،، ماتت..

حاسيب اللي،، غاوي التمثيل،، يبكي
الناس،، بتمثيله..

وحاقعد،، لو في صف اخير،، اسقف له
واخر الدور انا ديله..

وحاقول له،، برافوا عليك،، تحياتي
انا ما عرفش اكون زيك..

كسبت الناس،، بتمثيلك،، لكن جواك
خاسر،، نفسك
مع خالص تحياتي !!..



الظلم..!!

الظلم مكتوب ع الطيبين .. و بزياده

فرشوا السنين .. حضنوا الأيام

و ناموا علي جراحهم كاتها وساده

فيهم اللي الامه .. متكتفه ف صدره و مكيفاه

فيهم اللي الوجع خطف عمره
ماعرفش قولت اه ..

و منهم اللي صبر علي الامه .. و منهم اللي
ما شافش أيامه..

و فيهم اللي اتسرق في أحلامه .. مشى ف
طريقه و تاه..!!





اشتياق ..!!

اشتقت،، لزمن،، الانسان

دورت،، عليه،، في كل مكان

ما لاقيت له،، اثر،، او عنوان

اشتقت،، لزمن،، الانسان

بكل ملامحه،، و بتفاصيله

بكل ما فيه،، من خير،، او نور

ليه اتبدل،، بهياكل،، هشه

ومشاعر،، مليانه،، فتور

ليه اتغير،، وبتفكيره

دمر نفسه،، وباع،، في ضميره



لو شاف نفسه،، جوا،، مرايته
حيشوف،، صوره،، لواحد غيره
مشتاق،، يرجع،، تاني،، لصورته
مشتاق،، ينهي،، همومه،، و حيرته
لكن،، دنيته،، امرت،، نفسه
انه يكون،، يشبه،، انسان
ساكن جوا،، مدينه كبيره
محفوره،، في طي،، النسيان..





وصانى أبويا..!!

وصانى أبويا .. و قاللى يا أبنى

تعالى أسمع لما أقوللك..

مهما عشت .. سنين كثير..

مش هيفضل الا ... سيرتك..

حتى ابنك..!!

الى بيحبى مسيره يكبر

وهتلاقيه محتاج لضعك

اسمعها منى .. وعدھا

وأوعى تقاطعنى ... فى الكلام



فى الدنيا دى ..

كل حاجة لازم ح تيجى ف وقتها

والنصيب مكتوب تمام

ممکن تغير سكتك

ممکن تبدل خطوتك

ممکن تعيش على ذكريات

مقفول عليها فى وحدتك

مش بالندم .. و لا الدموع

تقدر تغير فى اللى كان

ولا بحنينك للرجوع

ينفع تعيد .. أيام زمان



أيامنا مرت .. و أنتهت

وعليها ياما .. كثير حكايت

فيها ناس دموعها اشتكت..!

من كتر ما قالت .. يا ريت...!!



قالوا عنها..!!

قالوا عنها،، بلدي،، مصر

زي ملكه،، ف كون،، و عصر

مصر،، جنة،، و بجمالها،، مفتونين

نيلها صافي،،، و قلبها،، لكل كافي

هرم،، حضارة،، لآلاف،، السنين

ام دنيا،، بالف دنيا،، و الكل فيها متجمعين

في المصاعب،، اجنادها،، حاملين ارضها

في الشدايد،، بتلاقي ناسها،، تحبها

حتي الفنون،، كل العروبه،، تشهد لها

احكي ليهم،، عن بهيه



هيه .. هيه.. من زمان

احكي تاني، و قول، كمان

مهما تحكي، مش ح مل،، من الحكاوي

مصر بلدي، ف حبها،، عاشق،، و غاوي

مصر بلدي، عظيمة،، واكثر

نيلها صافي،،، و شمسها،، ف الكون بتكبر

مهما تحكي،،، و تحكي،، اكثر

مصر غالية في عيون ولادها .. (الله اكبر)





أنا..!!

انا اللي بعث ،، الصبر ،، بالاكاذيب
وقولت اضحك علي نفسي و اعيش راضي
واللي جنيته ،، حزن و الم ،، و عشت غريب
ومهما عديت ،، علي الاوجاع ،، بقولعادي
وصفت الحب للعاشقين
قالوا عاشق ،، و منه بنتعلم
وماعرفتش ،، طريقه منين
تملي ،، وحيد ،، و بتالم
و بتكلم ،، عن الاحزان
واعبر ،، بيها ،، عن ،، نفسي



ماليش غيرها ، ، في اي ، ، مكان

يا فرحه ، ، ، ليه ، ، ما بتحسي

طويت ، ، ايامي ، ، في كتابي

وكتفت ، ، الامل ، ، فيها

يا بكره ، ، امتي ، ، راح تيجي

فاكرها ، ، ولا ، ، ناسيها



بعد سنين..!!

بعد شهر ،، و سنين ،، فائتتا
جاينين يقولولى ،، اخبارك ،، ايه
انت فاكرونا ،، ولا ،، نسيئنا
ولا ،، البعد ،، اخدت ،، عليه
بيسبقوا ،، علشان ،، عارفينى
طيب اوى ،، و عليها ،، حاسدنى
كنت بموت ،، و كثير ،، شايفنى
ولا ،، فيكم ،، واحد ،، عبرنى

ظالمين نفسكم ،، ليه كذا ،، بنفاق

متفقين ،، في كلام ،، تقولو



جاييني ،، بلهفه ،، و باشواق

بتصالخوا ،، اللى انتوا ،، ف يوم ،، نسيته

دا ،، اللى ما بينا ،، بعد ،، و فراق

لو فاكرين ،، من غيركوا ،، ح اتوه

و بتحكوا ،، لاصحابكم ،، عني

بتقولوا ،، انكم ،، بتحبوني

و الدمعه ،، بتنزل ،، من عينكم

ناسيين ،، أن انتوا ،، ف يوم ،، بعنوني





شكرا ،، اوى ،، ما بقيتش ،، اسامح

اتعلمت ،، انا منكم ،، الاسوة

ولا ،، حاجي ،، على نفسي ،، و اصالح

ولا ،، اكبر في اللى ،، ما بيسوا

ح اقفل ،، صفحتكم ،، مالاخر

وافتح ،، صفحه ،، جديده ،، عليا

واللي عاوزنى ،، اكيد ،، ح يجيلى

بس ،، يظهر قلبه ،، شويه





ويشوف ،، نفس الدنيا ،، بعينها
ويفوت اللي ،، كثير ،، حاسدينها
اصل الدنيا ،، ساعات ،،، و تعدى
مش مستاهله ،،، نزل ،، منها
بعد سنين ...!!





أطفال شوارع..!!

بالله عليكم ،، يا خلق هوووو..

حد ،، يعرف ،، فين ،، ابوه ،،!!!

حد فكر ،، مره ،، ياخده و يساله

انت مين ،،، بيتك منين ،،!!

تعرف ،، تروح ،،!!

ولا خايف ،، انك ،، تتوه

جربت مره ،، و قولت اعرف

هيه ايه ،، اصل الحكايه

اطفال و شارده ،، ع الطريق

ما لاقيتش ،، حضن يضمها

هربانين ،، من ظلم دنيا

لظلم ناس ،، بتذمها

و باحتقارهم

خلقتوا ،، قوه ،، لضعفهم

و بانكسارهم

ما بقاش ،، في شيء ،، بيهمهم

و صبحوا ،، دوله ، من جوه ،، دوله

رافعين ،، شعار ،، البلطجه

بقانون ،، لغابه ،، ماشيين عليه

القوي ،، بياكل ،، الضعيف

محروم ،، في حقه ومش ناسيه



لما ، ، شحت ، ، تمن ، ، الرغبة ..

تفكروا ، ، لو رجع الزمان

بناسه ، ، الطيبين ..

ما ، ، كانش كل ، ، ده حصل ..!!

واحلفلكم ، ، مليون مليون ، ، يمين ..!!



للماضى حنين..!!

للماضى حنين ،، ذكرة و بنعيشها ،، سنينو
سنين..

احلام ،، ضاعت ،، ويبيجى غيرها ،، مع
ناس تانيين..

و مشاعر مكبوتة جوانا ،، تطرح فينا
اشواق و حنين..

نسرح بخيالنا ،، نقول ،، ايام ،، نفسنا ترجع
لكن خافين..

و ف أحيان ،، صدفة بتجمعنا ،، بالماضي
زمان..

نتذكر حاجة بتوجعنا ،، كانت صورته
فى طى النسيان..

وقتها بنقول ،، اللى مالوش ماضى
مالوش حاضر..



خليك فاكّر ، ، هية مشاعر ،، انك ف الأصل

جواك ، ، انسان..





سالوني مره..!!

سالوني ، ، مرة عن ، ، الوفا

ضحكت ، ، قولت ، ، ما اعرفوش

قالولي ، ، انزل مدينته ، ، نزلت

فجأة لقيته ، ، اختفى

ما بين ، ، قلوب ، ، ووشوش

سألتهم ، ، يعنى ايه ، ، معناه

ردوا ، ، ب صوت ، ، على

اصل اللى عارف طريقه

فى الزمن ، ، ده ، ، تاه..

انسى الوفا ، ، خليك فى حالك



قبلك كثير ،،، سالوا عليه

ورجعوا ،،، علشان ،،، مالفوهوش





ايام..!!

عدت ، ، علينا سنين

وبنرضى ، ، بنصيبنا

بين ، ، خوف ، ، وشوق ، ، وحنين

مكتوب ، ، ويصيبنا

ونفوت ، ، على الاحباب

نسال ، ، على اللى ، ، غاب

اصل الحنين ، ، غلاب

والشوق ، ، مغلبنا





امبارح فات..!!

امبارح ،،، فات ،،، عدا ،،، و ساب ذكرى

بنحكى ،،، فيها ،،، ساعات ،،، و ساعات

امبارح ،،، فات ،،، عدا ،،، بافراحه
وأحزانه

وبتفاصيله ،،، و بكل ،،، ما فيه

مش مطلوب ،،، منك ،،، او منى

اننا ،،، نرجع تاني ،،، ونحكيه

جايز ،،، فيه كلمة ،،، بننساها ،،، وبتجرحنا

ممکن فى حاجه ،،، تفرحنا ،،، وتريحنا

زى ،،، اللمة ،،، فى وسط ،،، الاحباب

والصوره ،،، ف وقت ،،، بتجمعنا



و كأنها ،، صورة ،، ف وسط كتاب

بناخذها ،، و احنا ،، ف مطرحنا

فى الآخر ،، بنسيب ،، بعضينا

وظروف ،، اغلبها ،، تنسينا

وشويه ،، الدنيا ،، بتلهينا

نبعد و نلاقى ،، نفسنا ،، اغراب

امبارح ،،، فات..

نفكر ،، اللحظة و نتبسم

ونقول ،، يا زمان ..

والغربه ،،، تاخذنا ،، تمرجحنا

وفكل ،، مكان..



مین فیما ،، ابتدا ،، و انتھی ،، انسان ..!!
لکن ،، اوقات ،، بتعدی علیہا ،، اوقات
نرجع و نقول ،، امبارح ،، فات





قول يا قلم..!!

اكتب يا قلمي ،، ،، كلاً

اكتب ،، ،، ولا ،، تهتم

احكى ف وجع و الا

بحروف ،، ،، بتنزف ،، دم

اكتب عن ،، ،، الاخلاص

الى خلاص ،، ،، ما بقاش

وضاع ما بين ،، ،، الناس ..

ولا حد ،، ،، فيهم ،، اهتم

اكتب عن ،، ،، الاخلاق

اتبدلت ،، ،، بنفاق ..



والسلعه فى ،،، الأسواق
بيبيعها ،،، جهل ،،، أصم
وقول ،،، و احكى ،،، كمان
روايات ،،، عن الإنسان
اللى اتخلق ،،، فى زمان
ما عرفش فيه ،،، الهم
كان كل شىء ،،،،، بيهوون
والغدر كان ،،،،، ملعون
والعزوه ،،،، شىء ،،، مضمون
بالاحترام ،،،،، نهتم
اكتب و قول ،،، ضعنا ..



فی زمان ،،، مضيعنا

فيه غربه ،،، بتوجعنا

مع ناس ،،، ولا ،،، بتهتم

اكتب يا قلمي كلالااام

اكتب ،،، ولا ،،، تهتم !!!





اهداء لكل اطفال العالم العربى
صرخه طفوله..!!

ازای تقولولنا ،، عیشوا ،،
و احنا ما بین ،، ضرب الرصاص
ازاااااي..!!

ازای نحس بالامان ،،، و حارسنا
،سجائنا ،،، یا ناس

ازاااااي..!!
ازای ،، نعیش ،،، علی أرضنا
نموت،،، و ینزف ،،، دمننا
احنا الطفوله ،،،، کلنا

عایشین ،، بنحلم ،،، بالسلااام



ازااااي..!!

فى الاوله ،،، كان المطر

بينزل علينا ،،، من السحاب

كنا بنلعب ،،، ع الشطوط

ونعمل بيوتنا من التراب

جت ،، ايد خفية ،،، ع الزناد

قتلت فى ،، احلام الولاد

وزماننا فات ،،، قبل ،، الميعاد

والظلم ليه ،،، يا ،، اهل السلااااام

ازااااي..!!

والتانيه ،،، بتكمل عذابى





حتى الضمير ،،، اخدوه ،،، اسير

مات اخويا ..

واختي ،، و كثير ،، صحابي

وانا اللي مستنى المصير

انهار ،، بتجري من دمانا

و الغربان ،،، سكنه سمانا

ليه البكاء ،، أصبح غنانا

و التالته ايه ،،، يا اهل السلااااام

عايشين بنحلم بالسلاااااام

عايشين بنحلم بالسلااااااام



مین انت یاعم...؟؟

ما تقوللی ... مین أنت یا عم

ازای بتمشی ع الطريق ... و أنت شایل ..
ألف هم ..

ما تقوللی ... مین أنت یا عم

ازای بتتکلم کتیر .. وأنت مرمی ... بألف
سهم ..

کیف بتتحمل اهاتک .. کیف بتقدر ع الألم
کیف بتکسر .. ف الوجع .. وکأنتک .. بتحطم
صنم ..

ما تقوللی ... مین أنت یا عم..

ازای تعیش .. فی وسط ناس
ناکره الجمیل .. ما..



و لو سألت فى يوم عليهم .. أو بتناديهم ..
بيقولوك ما..

نعرفكش ما تقوللى ... مين أنت يا عم

ازاى بتقدر .. انك .. تشوف القسوه ..
وتطبطب عليها ..

و أنت بتموت جوا نفسك .. مشتاق تشو..

نظرة الحب ف عنيا..

كيف .. بتستحمل ساعاتك .. كيف بتفتكر اللى
فاتك..

كيف .. بتتحمل اهاتك و انت واخد ع الوجع

انت صحيح.. راجل .. جدع

ما تقوللى ... مين أنت يا عم



لفيت ،، بلاد

لفيت،، بلاد ياما

ما قابلت ،، ذرة وفا

و لقيتني ف الغربه

محتاج،، لحضن الدفا

فضلت صابر و أكابر

فجأة،،، خوفت

لا ،، ارجع لناسي و حبايبي

القي الحنين ،،، اختفى ..





عديت..!!

عديت حدود الوجد

ما فضلش منك ، ، ااه

دايما كثير ، ، تنخدع

وف ، ، كل مين ، ، تلقاه

اصبر على المكتوب

واقفل عليك بابك

وبلاش تتوه ، ، بين النفوس

زى اللى قبلك ، ، تاهاه



وحشانی یا اما..!!

بكل معانى الاحتياج
محتاجك ،، وبشتاقك
وف كل زله تكسر فى نفسى
بلاقي روحى ،، بتندهلك
من بعدك انتى
مات الحنان ،، ضاع الامان
مش لاقى قلب ،، يشبهلك
وحشانى ،، يا،، اما
مهما كبر السن بيا
ما بين ايديكى فضلت طفل
انا كنت بيبكى
وارمى همي كثير عليكى



واحكى ،، ليكى..

من غير ،، ما أخبى

وحشاني ،، يا ،، اما

كنتى دايمًا ،، تسالينى

كنتى دايمًا ،، حاسة بيا

مهما ادارى ،، عليكى ضعفى

بتعرفينى ،، من عينيا

وتقوليلي ،، من ايه بتشكى

واترمى ف حضنك و احكى

والقى نفسى ،، لوحدى بيكى

وانتى ،، ايدك فوق جبينى

تمسحيلي ،، دمع ،، عينى

وقبل ما ،، امشى ،، بتنادينى

ارجع و الاقي ،، بسمتك

منورالى ،، دنيتى



لما كنتی ،، بتطبطبی ..
علیا ،، و تظمنینی
وحشانی یا ،، اما
تعرفی ،، انی من بعدك خلاص
ما بقیئتش فارقة عندی
مین هیسال ،، مین ماجاش
مین یموت ،، او حتی عاش
قلبك لیا كان وطن
لسه فاکره وعلیه بعیش
من بعد قلبك ،، صدقینی
کل القلوب ،، دی ،، ما تساویش
وحشانی یا اما وحشانی..!!



المحتويات

	القصيدۃ
	وعد مني
	حنين
	مشاعر عود
	اتعلم
	ما تتعشمش
	قلوب بيضه
	اسمعها منى
	ناس و ناس
	مشاعر
	جرد كلمااااات
	خواطر باكيه
	حتعيش لمين
	اختيار
	ما يستاهلوش
	اسمع يا طيب
	حيره
	مشوار حياتنا
	عشمت نفسك

	سالت عراف
	اضحك
	سالت جدي
	مع خالص تحياتي
	الظلم
	اشتياق
	وصانى...أبويا
	قالوا عنها
	انا...
	بعد سنين
	اطفال شوارع
	للماضى حنين
	ايام
	امبارح فات
	قول يا .. قلم
	اهداء لكل اطفال العالم العربى
	صرخة طفولة
	مين انت يا عم
	عديت
	وحشأنى يا اما